



**Inuiaqatigiit kissaataat tunngavigalugit nunap ilaani aatsitassarsiorfissanik inerisaaviusussanik pilersitsinissaq aammalu nunap ilaani allani avatangiisit, ilorrisimaarneq, inuussutissarsiutit pioreersut assigisaalluunniit tunngavigalugit aatsitassarsiorfigineqarusunngitsunik pilersitsinissaq pillugu oqallisissiamik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Oqallisissiaq innuttaasunik, soqutigisaqaqati-giinnik aalajangiisartunillu peqataatitsinikkut amerlasuunit akuuffigineqartumik oqallinnissamut toqqammaviusaaq. Oqallisissiaq 2015-imi upernaakkut ataatsimiinnissaq nallertinnagu naammassineqareersimassaaq.**

(Inuit Ataqatigiit Inatsisartuni gruppianni ilaasortat)

Inuinnartut inuuninni ilaatigut aamma umiarsuaatilittut ingerlavunga. Suleqatima ilisarimaneqarluarnerusut ilaat umiarsuaatiliuvoq, peqqissaarnermik pingaartitsiartoq. Naak ilumooraluartoq umiarsuaatiga mikisunnguusoq aammalu eqqaasama umiarsuaatai annerungaatsiarlutillu amerlanerungaatsiartut, ataatsimoorutigaarput, uanga aamma peqqissaarnissamik pingaartitsigama. Aamma isumaqarpunga nunatut peqqissaartuusariaqartugut.

Uani siunnersuummi pineqarpoq oqallinnissamut siunnersuut tunngavigalugu annertuumik peqqissaarnissaq. Demokraatini isumaqarpugut tamanna tapersersortariaqartoq.

Tamannali oqallinneq pillugu oqallinnerinnaammat, oqallinnermut tunnganani, taava oqallisigeqqissanngilara oqaatigiinnassalluguli siunnersuut ataatsimiititaliamut susassaqartumut innersuukkumagakku.